

Organizan

Reserva de Biosfera
MARIÑAS CORUÑESAS
e TERRAS DO MANDEO



A Reserva de Biosfera “Mariñas Coruñesas e Terras do Mandeo” foi declarada pola UNESCO o 28 de Maio de 2013. A candidatura promovida pola Asociación de Desenvolvemento Rural “Mariñas - Betanzos”, ten contado co apoio da Deputación Provincial da Coruña, a Xunta de Galicia, os dezasete Concellos que a conforman, así como diversas entidades asociativas, universidades ou organizacións empresariais e de traballadores.

A Reserva de Biosfera “Mariñas Coruñesas e Terras do Mandeo” abrangue un total de 116.724 ha, que representa o 14,33% da superficie da provincia da Coruña, repartidas en 17 concellos. Os seus obxectivos son:

- A conservación da diversidade natural e cultural
- O desenvolvemento social e económico respectuoso
- Un bo uso dos recursos naturais, culturais e sociais
- Fomentar a participación cidadá e a formación
- Incentivar e potenciar o turismo sustentable
- Situar o territorio no mapa mundial e dar prestixio



É unha asociación de carácter público, sen ánimo de lucro e politicamente independente, que desde 1979 ven realizando estudos sobre o medio natural galego e campañas de divulgación dos valores naturais. Dende os seus inicios, Hábitat sempre foi fiel a unha consigna básica: traballar polo estudo e a conservación dos espazos naturais e da biodiversidade de Galicia, cun enfoque naturalista e baixo criterios científicos.

Máis información e inscricións

R/ Camariñas, 8-baixo. 15002 A Coruña.
Teléfono: 981 135 014
gnhabitat@yahoo.es
www.gnhabitat.org
www.facebook.com/G.N.Habitat



Organizan



FEADER:
Europa inviste no rural

Colaboran




I MARATÓN ORNITOLÓXICA



Reserva de Biosfera “Mariñas Coruñesas e Terras do Mandeo”

Que é?

Esta actividade lúdica consiste en identificar por equipos o maior número posible de especies de aves silvestres dentro de cada un dos municipios da Reserva de Biosfera “Mariñas Coruñesas e Terras do Mandeo” e A Coruña (ver mapa) nun tempo determinado. O obxectivo é achegar o avistamento e a identificación de aves ao público xeral, e poñer en valor os atractivos naturais da Reserva de Biosfera.



Información básica

Data: sábado 15 de marzo de 2014.

Horario de observación: de 07:00 a 19:00 h.

Lugar: municipios da Reserva de Biosfera “Mariñas Coruñesas e Terras do Mandeo” e A Coruña.



© G. N. Hábitat

Bases I Maratón Oritolóxica

1. Participantes. poderán participar todas aquelas persoas que o desexen, sen límite de idade, se ben os menores deberán ir acompañados dun adulto. Formaranse equipos de 3 a 5 participantes.

2. Inscripción. é gratuita e o prazo estará aberto ata o xoves 13 de marzo, inclusive. Realizarase por teléfono ou por correo electrónico (ver contraportada), indicando nome completo, datos de contacto (e-mail e teléfono) e o concello escollido. Pode ser:

Equipos: poden inscribirse equipos xa formados, con 3 a 5 membros, dos cales un será o cabeza de equipo con experiencia na observación de aves. Na inscrición, deberán indicar o nome do equipo.

Individual: para persoas que desexen participar, pero non teñan equipo formado. Hábitat formará os equipos, tendo en conta o concello seleccionado, e asignaralles un cabeza de equipo.

3. Localización. cada equipo elixirá un concello para realizar nel a maratón. O obxectivo é acadar a maior cobertura de concellos posible. Así, se un equipo escolle un concello xa solicitado anteriormente por outro equipo, invitaráselle a escoller un dos que queden libres. Só se permitirá ver desde o concello escollido. Contabilizaranse as aves que estean pousadas ou sobrevoando outro concello se o avistamento se realiza dende o municipio elixido. Serán válidos os avistamentos mar afora, sen límite de distancia.

4. Horarios. poderanse observar aves de 07:00 a 19:00 h do sábado 15 de marzo. Os equipos deberán presentarse antes das 20:00 h na Escola da Natureza “Muiño Vello” do Concello de Arteixo (981 64 71 46).

Ver mapa

É moi importante chegar puntual, xa que un retraso (incluso duns poucos minutos) supón a descualificación do equipo.

5. Material. permitirase o uso de prismáticos e/ou telescopio, así como cámaras fotográficas. Cada participante achegará o seu material, agás a ficha para anotar as observacións que será facilitada pola Organización. O G. N. Hábitat aportará material óptico e guías de campo para desenvolver a actividade.

6. Medios de transporte e comportamento. aconséllase facer uso de medios de transporte ambientalmente sostibles (isto é, transporte público, bicicleta ou a pé). Os participantes deberán ser respectuosos co contorno e non molestar á fauna nin prexudicar á flora.

7. Especies válidas e sistema de puntuación. terán validez só as especies vistas e/ou escoitadas por todos os membros do equipo dentro ou desde os límites do municipio seccionado. Tódalas especies deben ser anotadas na lista impresa facilitada pola Organización. Ao finalizar a maratón contabilizaranse tódalas especies detectadas, que puntuarán do seguinte xeito:

- 3 puntos por cada especie vista só por un dos equipos participantes.
- 2 puntos por cada especie vista só por dous dos equipos participantes.
- 1 punto por cada especie vista por tres ou máis equipos.

Non se terán en conta as especies domésticas, exóticas e/ou escapadas, nin tampouco as subespecies.

8. Reconto de especies e puntos. ás 20:00 h na Aula de Natureza do Concello de Arteixo, terá lugar o reconto de especies detectadas por cada equipo, a asignación de puntos e a declaración do equipo gañador. No caso de empate no número de puntos, valorarase a cantidade de especies vistas exclusivamente por cada equipo empatado.

9. Premios. o equipo gañador será agasallado cun completo lote de produtos achegados polo G. N. Hábitat e polo G.D.R. “Mariñas-Betanzos”, así como cun diploma honorífico. Os equipos que finalicen en segundo e terceiro lugar obterán un diploma acreditativo.

10. Epílogo. a participación na maratón supón a aceptación das presentes bases, así como o compromiso de actuar de boa fe tanto no reconto de especies como no cumprimento dos horarios..

Calquera dúbida ou cuestión que aconteza e non estea recollida nas mesmas será aclarada pola Organización.